




PARTORDING NI PARTANGIANGAN PARPUNGUAN BODARI (Natal Umum)

📖 Ev: Lukas 2 : 8 - 14

📖 Ep: Mika 7 : 18 - 20

TOPIK :

**HALALAS NI ROHA GODANG
TU SALUHUT BANGSO**



**Oikumene
Inklusif**

*Orientasi Pelayanan
HKBP 2024. **Mat 5:45***

**HURIA KRISTEN BATAK PROTESTAN (HKBP)
Selasa, 24 Desember 2024**

I. SIPATUDU :

1. Di parpunguan bodari (Natal Umum) on, disagihon ma angka Liturgi sipajojoron ni na mewakili ganup horong naung rade di acara on.
2. Diparade jala ditontuhon hian ma angka sipagalak lilin di jolo ni langgatan.

II. PAMUHAI NI PARPUNGUAN LAHO PAGALAK LILIN

U: Nunga tubu Raja ni Hadameon nunga tutu ro Ibana. Nunga di tongatonganta Ibana. Nunga patar asi ni roha ni Debata di tongatonga ni HuriaNa, nunga patar pambahenan ni Debata di portibi on. Dilehon AnakNa Tuhan Jesus Kristus gabe Sipalua portibi on. Ala ni i naeng ma dohononta:

H: **Pardengganbasa do Debata, jala ro di salelenglelengna do asi ni rohaNa, marsundutsundut do nang hasintonganNa.**

U: Ida ma, Debata Jahowa sandiri mandok: Haholongon salelenglelengna Hubahen manghaholongi ho. Dibahen i Hutogutogu ho marhitehite asi ni roha. Antong di bagasan las ni roha tahatindanghon ma:

H: **Tung na godang situtu do asi ni roha ni Debata tu hita, nunga dipasingkop Debata bagabagaNa tu hita, jala ro di salelenglelengna do habonaron ni Jahowa, Haleluya.**

U: Di panggagatan Betlehem do inganan hatubuan ni Sipalua i, ditadingkon do sangapNa laho manopot hita na di pardangolan on, asa marsangap Ibana marhite ulaonNa na balga i.

01. Marende BE. HKBP No. BE. 48 : 1 - 3 “RIA MA HITA SASUDE”

♫♫♫ Ria ma hita sasude mamuji Debata.

Girgir ma parententa be, ai i do na tama, ai i do na tama.

♫♫♫ Diungkap Debatanta i banua ginjang i.

Disuru do AnakNa i, hangoluantu i, hangoluantu i.

..... [Musik]

[Jongjong]

♫♫♫ Ampuan ni AmaNa do tinadinghonNa i.

Tu hasiangan on do ro, tu pardangolan i, tu pardangolan i.

2. VOTUM – INTROITUS – TANGIANG :

U: Marhitehite Goar ni Debata Ama dohot Goar ni AnakNa, Tuhan Jesus Kristus dohot Goar ni Tondi Parbadia, na tumompa langit dohot tano on. **Amen.**

Dung i gabe daging ma Hata i, jala maringanan di tongatonga ni hita on, jadi huida hami ma hasangaponNa songon hasangapon ni Anak sasada na sian Ama i, gok asi ni roha dohot hatutuon. ***Haleluya!***

H: (Mangendehon): *♪♪♪ Haleluya...! Haleluya...! Haleluya...!*

U: **Martangiang ma hita!**

Ale Tuhan Debata, Amanami na di banua ginjang! Mandok mauiliate do hami tu Ho, ala ni godang ni asi dohot holong ni rohaM di hami; ai dibasabasahon Ho do AnakMu na sasada i tu hami na di pardangolan on, asa malua hami marhitehite Ibana sian dosa dohot sian hamatean saleleng ni lelengna. Hupangido hami tu Ho, sai sondangi ma rohanami na holom i marhitehite Tondi Parbadia i; angkup ni i sai parrohai ma hami, asa huboto hami mandok mauiliate tu Ho, asa tarapul situtu rohanami di hagogotan dohot di pangunjunan marhitehite AnakMu, Tuhan Jesus Kristus Tuhannami. **Amen.**

(Hundul)

3. Marende BE. HKBP No. 56 : 4 “SAI RO MA HAMUNA”. BL. 139

♪♪♪ O Jesus Tuhannya sai naeng pujionhu pambaenMu di ahu pardosa on.

Ai gabejolma Ho humophop ahu; tasomba ma Ibana.

Tasomba ma Ibana, tasomba ma Ibana Rajanta.

4. P A T I K :

U : Tangihon hamu (Tatangihon) ma Patik ni Debata, i ma **1 Johannes 3 : 23.**

On do patikNa: Naeng porsea hita di goar ni AnakNa, Jesus Kristus, huhut masihaholongan, songon naung tinonahonNa i tu hita.

I do sahatna. Antong rap mangido gogo ma hita sian Tuhan Debata!

U+H : Ale Tuhan Debata! Sai pargogoi ma hami mangulahon na hombar tu PatikMi. Amen.

5. Marende BE. HKBP No. 50 : 1 - 2 “MARENDE MA HAMU” BL. 119

♪♪♪ Marende ma hamu, on ma dohononmu; Holong ni rohanta do Posoposo on.

Na mareakhon hita tu atas tano on; Tuhanhi do Ho, Tuhanhi do Ho.

..... *[Jongjong]*

♫♫♫ Malungun au di Ho, o Jesushi naung ro;
Apul ma rohangku saleleng au dison.
Asi rohaM di ahu marnida dangolhon.; Taiti au tu Ho, taiti au tu Ho.

6. TANGIANG MANOPOTI DOSA:

U : Tatopotu ma dosanta, martangiang ma hita! Ale Tuhan Debata, Pargogo na so hatudosan jala Ama Parasiroha! Nandang lomo rohaM mida hamatean ni pardosa; mulak ma nian parjahat i tumadingkon dalanna, asa mangolu ibana, i do dipangido rohaM. Ala ni i umbahen dipangido hami; sai sundati ma torutoruM asa unang mangonai be tu hami. Sai sesa sude dosanami, asa mangolu hami di bagasan asi ni rohaM. Sai pargogoi ma hami, asa margogo hami, marhitehite Tuhan Jesus Kristus Tuhannami. **Amen.**

Bagabaga ni Debata taringot tu hasesaan ni dosa :

Parasiroha jala pardengganbasa do Jahowa, lambat tarrimas jala Parasiroha godang. Nandang dibahen tu hita hombar tu angka dosanta, jala ndang dibaloshon tu hita hombar tu angka hajahatonta. Songon asi ni roha ni amaama mida angka anakna, asi ni roha ni Jahowa di angka na manghabiari Ibana. *Hasangapon ma di Debata na di ginjang !*

U + H: **Amen**

(Hundul)

7. Marende BE HKBP No. 605 : 1 + 3 “LAS MA ROHAM” BL. 605

♫♫♫ Las ma roham Tuhanta ro, gumomgom sasude.
Ungkap roham, jangkong Rajam, marende ma sude.
Marende ma sude, marende, marende ma sude.
♫♫♫ Bura binaen ni dosa i, marujung ma disi.
Ai nunga ro Mesias i mamboan dame i.
Mamboan dame i, mamboan, mamboan dame i.

8. KOOR: 1. RENA HKBP PANSURAN 2. LINKUNGAN BINTANG HULU

9. E P I S T E L :

U: Tangihon hamu (Tatangihon) ma hata ni Debata TurpuK Epistel di Partangiangnan Parpunguan Bodari on, ima na tarsurat di **Mika 7 : 18-20.**

Tung ise ma Debata songon ho, na marpamuati di dosa jala na umbolus pangalaosion ni partalianNa na teba i? Ndang tongtong ibana marsigomos marro ni rimas, ai manghalomohon asi ni roha do Ibana.

H : Sai marpangulahi do rohaNa, jala popoanNa do angka hajahatonta; jala reonghononNa do sude dosanasida i tu laut apala na umbagas.

U: Sai lehononMu do hasintongan tu si Jakob, asi ni roha tu si Abraham, naung niuarihonMu tu ompunami sian angka ari na robi dope.

I do sahat na. Martua do angka na tumangihon Hata ni Debata jala na umpeopsa.

U + H: Amen.

10. Koor : 1. Lingkungan Huta Dame 2. Parompuan Gabungan 3.-----

11. Marende BE. HKBP No. 47: 1 - 2 “DI NA SABORNGIN I DO BINSAR”

♫ Di na saborngin i do binsar Panondang di tondinta i.
Padaohon saluhut na simpar, lao patiurhon sasude.
Sondangon ni Panondang on, muse sandok portibi on.[Jongjong].....

♫ Ianggo ho ale tondingku sai jangkon ma Panondang i.
Sai unang ma lea rohamu dibaen hametmetonNa i.
PabalionNa do sude sibolis dohot dosa pe.

11. MANGHATINDANGHON HAPORSEAON:

U : Tahatindanghon ma haporseaonta i, songon na hinatindanghon ni donganta sahaporseaon di sandok portibi on. Rap ma hita mandok:

H : Ahu Porsea di Debata Jahowa..... d.u. [Hundul]

Koor: 1..... 2.....

12. LITURGI SIAN GANUP HORONG

a. Barita Panompaon ni Debata di portibi on: (Sekolah Minggu)

1 Musa 1 : 1 ; 1 Musa 1:2; 1 Musa 1: 3; 1 Musa 1:4; 1 Musa 1:5; 1 Musa 1:31

b. Panarihonon ni Debata di saluhut na tinompaNa i: (Remaja)

1. Psalm 104 : 24 (Lingkungan Bintang Hulu: Gabriel Habeahan)

2. Psalm 104 : 27 – 28 (Lingkungan Pardomuan: Ferdinand Siregar)

3. Psalmen 104: 31 (Lingkungan Huta Dame : Jesika Hutagalung)

4. Psalm 104 : 33 (Lingkungan BKS: Yolan br Silalahi)

c. Pangalaho ni jolma dohot pardangolan ala ni dosa i: (Naposo)

1. Amos 5 : 12 – 13 (Lingkungan Bintang Hulu: Elisabet Harianja)

2. Amos 5 : 14 (Lingkungan Pardomuan: Wandri Hutasoit)

3. Jesaya 30: 9 (Lingkungan Huta Dame: Glen Tampubolon)

4. Jesaya 30 : 10 (Lingkungan BKS : Ivan Lubis)

d. Dipungka Debata patolhas bagabagaNa: (Ina)

1. Jesaya 54 : 10 (Lingkungan Bintang Hulu:Nai Eko br Limbong)

2. Hesekiel 33 : 11 (Lingkungan Pardomuan: Inang Cristan br. Simbolon)

3. Psalmen 103: 8-9 (Lingkungan Huta Dame: Inang Bastian br Purba)

4. Psalm 103 :12 –13 (Lingkungan BKS : Nai Evi br Harianja)

e. Udut ni bagabaga i; (Ama)

1. Jes. 9 : 1 (Lingkungan Bintang Hulu: a. Sinta Sinaga)

2. Jes. 9 : 2 (Lingkungan Pardomuan: Op. Partogi Lumbantobing)

3. Jes. 60: 1 (Lingkungan Huta Dame: A. Hans Tampubolon)

4. Jes. 60 : 2 (Lingkungan BKS: A. Egia Silitonga)

f. Hasasaut bagabaga i; hatutubu ni Sipalua: (Parhalado & Fungsionaris)

1. Luk. 2 : 1 – 2 (CSt. H. Purba)

2. Luk. 2 : 3 – 5 (CSt. G. Pandiangan)

3. Luk. 2 : 6 – 7 (CSt. G. Br. Aritonang)

4. Luk. 2 : 8 – 11 (S. Nainggolan : Ketua Panitia Pembangunan)

5. Luk. 2 : 12 (Ny. Manik br. Samosir : Seksi Parompuan)

6. Luk. 2 : 13 (Ny. Bintang br. Simanjuntak : Seksi Lansia)

7. Luk. 2 : 4 (D. Tambun Saribu ; Ketua Panitia Natal)

U: Nunga ro hatuaonami, nunga tubu Sipalua i. Antong tapuji ma Debata mandok:

H: Hasangapon ma di Debata na di ginjang, dame ma di tano on, di angka jolma halomoan i.

..... (Pagalak Lilin na metmet/ *Handle Light*)

..... diiringi soara ni Organ (angonangon) BE. 54 (BL. 64)

Dung sude lilin galak, taendehon ma BE. HKBP No. 54 : 1 - 3 (BL. 64)

“SONANG NI BORNGINNA I” [*Jongjong ma hita*]

- ♪♪ Sonang ni bornginna i, uju ro Jesus i. Sonang modom do halak sude, holan
 dua na duno dope; mangingani AnakNa, Jesus Tuhanta i.
 ♪♪ Denggan ni bornginna i, uju ro Jesus i. Tu parmahan di Betlehem i,
 dipaboa na di surgo i; nunga ro Sipangolu, Jesus Tuhanta i.
 ♪♪ Godang ni tua disi, di na ro Jesus i. Tung malua pardosa muse, sian
 hamagoanna sude; ala ro Sipangolu, Jesus Tuhanta i.

U: Nunga tubu Sipalua i, Raja ni Hadameon. Nunga tutu gabe jolma Ibana humophop hita. Nunga singkop bagabaga ni Debata na sian na robi i. Tajanghon ma Ibana tu rohanta asa Ibana gabe arta na ummarga di hita ima haluaon na pinatupaNa i. Jala momos ma tatiop panghirimon na taparhatopot i, ai haposan do na marbagabagahonsa. Amen.

[Hundul]

13. Sunggul-sunggul

14. Koor: Mannen Agave

15. Papungu Pelean Huhut Marende BE. HKBP No. 602 : 1... “DI NATAL NA PARJOLO I” BL. 602 *(Pelea Ia & Ib)*

- ♪♪ Di Natal na parjolo i parmahan marborngin di ladang i.
 Tusi do ro suruan i mandok nunga sorang Mesias i.
 Noel, Noel, Noel, Noel, tubu Raja ni Israel.
 ♪♪ Binsar do sada bintang i, di Purba torang sinondangna i.
 Tongtong tarida bintang i, arian nang borngin patar do i.
 Noel, Noel, Noel, Noel, tubu Raja ni Israel.

..... *[Musik]*

- ♪♪ Parroha sian Purba i lao borhat manjalahi Raja i.
 Paihutihut bintang i, tu huta ni Raja na sorang i.
 Noel, Noel, Noel, Noel, tubu Raja ni Israel.
 ♪♪ BintangNa i na tiur i, mardalan do tu manabia i.
 Di Betlehem mansohot i, di atas inganan ni Jesus i.
 Noel, Noel, Noel, Noel, tubu Raja ni Israel.

16. J A M I T A: Lukas 2 : 8 - 14

17. Papungu Pelean Huhut Marende BE. HKBP No. 615 : 1 ... “TARBEGE SURUSURUAN MARENDE” BL. 615 (Pelean II)

♪♪♪ Tarbege surusuruan marende mansai uli.

Angka dolok dohot rura, gok do saringar na i.

Sangap ma, sangap ma di Tuhan.; Sangap ma, sangap ma di Tuhan.

♪♪♪ Las roham ale parmahan, nunga tubu Kristus i.

Rap marende ma hamuna, pasangaphon Raja i.

Sangap ma, sangap ma di Tuhan. ; Sangap ma, sangap ma di Tuhan.

..... [*Musik*]

♪♪♪ Borhat ma hamu marnida tu huta Betlehem i.

Somba Kristus Sipalua na imbaru tubu i.

Sangap ma, sangap ma di Tuhan.; Sangap ma, sangap ma di Tuhan.

♪♪♪ Ida ma di panggagatan Sipalua na ro i.

Sigomgomi parluhutan, langit dohot tano i.

Sangap ma, sangap ma di Tuhan.; Sangap ma, sangap ma di Tuhan

15. TANGIANG PELEAN + Ale Amanani + Pasu-pasu

Hiburan.